

बौद्ध स्तुती पुचः



प्रकाशक :

धर्मकीर्ति बौद्ध अध्ययन गोष्ठी

धर्मकीर्ति विहार

श्रीघःनघ



सुजनमान तुलाधर

जन्म : २०२९ श्रावण २१ गते शनिवार

मृत्यु : २०५३ मंसिर २२ गते शनिवार

दश-पारमिता

दानया	धर्म	पूर्णगत	बुद्ध ।
दानवला	अधिकं	हितकर	शास्ता ।
दानया	वर्णन	सुखकर	शब्द ।
दानया	पारमिता	गुण	पूर्ण ॥
शीलया	धर्म	पूर्णगत	बुद्ध ।
शीलवला	अधिकं	हितकर	शास्ता ।
शीलया	वर्णन	सुखकर	शब्द ।
शीलया	पारमिता	गुण	पूर्ण ॥

नैष्कर्म्यया धर्म पूर्णगत बुद्ध ।
नैष्कर्म्यबला अधिकं हितकर शास्ता ।
नैष्कर्म्यया वर्णन सुखकर शब्द ।
नैष्कर्म्यया पारमिता गुण पूर्ण ॥

प्रज्ञाया धर्म पूर्णगत बुद्ध ।
प्रज्ञावला अधिकं हितकर शास्ता ।
प्रज्ञाया वर्णन सुखकर शब्द ।
प्रज्ञाया पारमिता गुण पूर्ण ॥

(२)

वीर्यया धर्म पूर्णगत बुद्ध ।
वीर्यवला अधिकं हितकर शास्ता ।
वीर्यया वर्णन सुखकर शब्द ।
वीर्यया पारमिता गुण पूर्ण ॥

क्षान्तिया धर्म पूर्णगत बुद्ध ।
क्षान्तिबला अधिकं हितकर शास्ता ।
क्षान्तिया वर्णन सुखकर शब्द ।
क्षान्तिया पारमिता गुण पूर्ण ॥

(३)

सत्यया धर्म पूर्णगत बुद्ध ।
सत्यवला अधिकं हितकर शास्ता ।
सत्यया वर्णन सुखकर शब्द ।
सत्यया पारमिता गुण पूर्ण ॥

अधिष्ठानया धर्म पूर्णगत बुद्ध ।
अधिष्ठानवला अधिकं हितकर शास्ता ।
अधिष्ठानया वर्णन सुखकर शब्द ।
अधिष्ठानया पारमिता गुण पूर्ण ॥

(४)

मैत्रीया धर्म पूर्णगत बुद्ध ।
मैत्रीवला अधिकं हितकर शास्ता ।
मैत्रीया वर्णन सुखकर शब्द ।
मैत्रीया पारमिता गुण पूर्ण ॥

उपेक्षाया धर्म पूर्णगत बुद्ध ।
उपेक्षाबला अधिकं हितकर शास्ता ।
उपेक्षाया वर्णन सुखकर शब्द ।
उपेक्षाया पारमिता गुण पूर्ण ॥

(५)

कामना

त्रिरत्नयाके शरणा वना भी, निर्वाण पदवी लाय्मा याकनं ॥ धु ॥
दानया पुण्यं लोभ मदेमा, शीलया पुण्यं द्वेष मदेमा ।
भावनाया जोरं मोह मदेमा, दान शील भावना वृद्धि याय् फय्मा ॥ १ ॥
श्व संसार धैगु दुःखयागु खानी, दुःख फुकेयात ज्वीमाल ज्ञानी
संसार चक्रं छुटे जुया वनेत, चतुरार्य सत्य खंका चवने फय्मा ॥ २ ॥
मिथ्यादृष्टिपिंगु सङ्गत मज्जीमा, सम्यक् दृष्टि कुले जक जन्म ज्वीमा ।
न्हयाथाय् जन्म काय्मा न्हयागु जुनि ज्वीमा, बुद्धया धर्मे दृढ चित्त
ज्वीमा ॥ ३ ॥

(६)

अन्धविश्वासे गुबलें मलाय्मा, शुद्धगु मार्गे ढ्वांय वने फय्मा ।
न्हयाथाय् जन्म जूसां धर्म पासा फुकं, मिले चले ज्वीमा बाया चवने
म्वालेमा ॥ ४ ॥
अत्याचार वृद्धि जुया वैगु बखते, पापीपिंगु पुचले जन्म जुये म्वालेमा ।
थुम्ह हे बुद्धया शासन दुबले, शुद्धगु मार्ग व फल् लाय् फय्मा ॥ ५ ॥
मफुसा मैत्रीय बुद्ध जुयवं, मनुष्य धाय्का जन्म काय् दयेमा ।
वसपोलयागु धर्म ज्वना भी, उगु हे जन्मे निर्वाण लाय्मा ॥ ६ ॥

(७)

जय नमो श्री

जय नमो श्री बुद्ध भगवान लुम्बिनी बनसं बिज्याक ॥ धु ॥

ब्रह्मानं बँ पुय्का, सरस्वतीनं बसा लाय्का

अलङ्कापुरया जुजु कुबेरनं, धन द्रव्य लाय्का बिज्यात ॥ १ ॥

वायु देवनं ध्वजा वोयेका, अग्नि देव नं धूप थनका,

वरुण नाम नागराजानं, जलधारा हाय्का बिज्यात ॥ २ ॥

(८)

महादेवनं

दमरु

थाय्का

नारायणं

शंख

पुय्का

जन्मराजानं

दण्ड

जोनकाव

लँछिनकाव

बिज्यात ॥ ३ ॥

इन्द्रनं

छत्रनं

कुय्का

भिक्षु गणं

च्वामोलं

गाय्का

आकाशनं

स्वानवा

गाय्काव

आनन्द

रसनं

बिज्यात ॥ ४ ॥

(९)

नैऋत्य		ज्ञानकर
दक्क	लोक	सहितनं
शेषनागया	म्हस	बिज्यानाव
पूजा	फयाव	बिज्यात ॥ ५ ॥

वन	गज	रत्न	साल
श्री	सुरेन्द्र	महाराज	
ल्हाकम्ह	अनाथ	जन	
गुरुयाके		शरण ॥ ६ ॥	

(१०)

थःगु छुं मदु

जिगु जिगु धका हाला जुल, छंगु धैगु छु हे दत ॥ धु ॥
 सिना वनेवं गन वन धन, सुनानं छुं नं ज्वना मवं ।
 मां बौ दाजु किजा फुकं थन, सुं नं लिस्ये वःगु मखु ॥ १ ॥
 धन सम्पतिया लोभ याना भी, सीम्वापिं थें सना च्वन ।
 आखिरे वने माल फुकं वाना, वने मफु सुं नं छुं हे ज्वना ॥ २ ॥
 नापं ज्वना वनेगु जूसा, याय् माल दान पुण्य थन ।
 अले दै छंत छंगु धका, ज्वना वनेत पुण्य धन ॥ ३ ॥

(११)

याय् माल भाव भक्ति थन, बुद्धया शरणे वना ।

अन्तिम दिन थ्यनिगु बखते, काय्म्हयाय् सकलें खवया चवनी ॥ ४ ॥

तर खवःसां हाःसां त्वता वनी, आखिरे यंकेगु छुं हे मदु ।

या थन पुण्य साधना, बुद्धया शरणे वना ॥ ५ ॥



(१२)

माँया गुण

पार गथे जुई माम यागु गुण नं ॥

सेवा याय मफु जिनं श्व पापी मन नं ॥ धु ॥

गर्ववास चवनावले, गुलि दुःख सियादिल ॥

जित दुःख जुईधका, गुलि म्हुतु म्हाला दिल ॥

अति कष्ट सहयाना, जन्म व्यूम्ह मामया ॥

भक्ति यायमफु जिनं, श्व पापी मन नं ॥ १ ॥

(१३)

खि फाय् चवफाय् धायमसः, उखेंथुखें फाना बी ॥
नवः घचा सहयानाः, हुयका चोयका छोयावी ॥
भ्वातीं थें दुःख सिया हुर्के याम्ह मामया ॥
तहल याय्मफु जिनं, श्व पापी मन नं ॥ २ ॥

चिकं चाकं बुईका बी पितु पीका मुले तई ॥
छ्वा सोया मुसुंन्हिला, दुःख फुकं तंका छोई ॥
अमृत धारा दुरु त्वंका, बोलं कूम्ह मामया ॥
सेवायाय् मफुजिनं, श्व पापी मन नं ॥ ३ ॥

(१४)

नये त्वने धाय् मसः ईले विले त्वंक : वनी ॥
न्ह्यागु ज्याखँ याना चोसां, जि हे तुं लुमंका चवनी ॥
चान्हँ न्हिन. जुजु धका, घय् घय् पुइम्ह मामया ॥
भक्ति याये मफु जिनं, श्व पापी मन नं ॥ ४ ॥

छथु निथु मुसु वई, म्हे ज्यु मदेक धंदा काई ॥
मिखा दंक खोवी तया, अजि वैद्य केना सोई ॥
चोकि होले हाले याना, म्वाका तम्ह मामया ॥
भक्ति यायमफु जिनं, श्व पापी मन नं ॥ ५ ॥

(१५)

न्याँद उमेर दसेनिसें, आखः वोंके थालेंयाई ॥
ह्येका अनेक जतन याना, ईलम कमाई देका विई ॥
विवाह कर्म फुक्क याना, लयलय ताइम्ह मामया ॥
सैवा यायमफु जिनं, श्व पापी मन नं ॥ ६ ॥

जिमीगु निम्ति दुःख स्युस्युं, उमेर नं धल्के जुल ॥
ल्हा तुति शिथिल जुया, सने साने सफुत ॥
अले छिमीगु भरे धका, भर काम्ह मामया ॥
तहल यायमफु जिनं, श्व पापी मन नं ॥ ७ ॥

(१६)

श्व अन मोल चोला, हानं लिपा दइगु मखु ॥
लाख चौरासी हितु हिला तरेज्वीत ब्युगु ॥
माया मोह जाल केना चेत काय मफुत ॥
आः गथे याये सास्ता बेरथन फुईन ॥ ८ ॥

भीपिं सकस्याँ माँया गुण लुमंका तयेफुपिं ज्वीमा ।

(१७)

दिवंगत जहान हेराभाई तुलाधर व दिवंगत काय सुजन तुलाधरया पुण्य स्मृतिसं थुगु सफू बौद्ध स्तुती
 पुचः श्रद्धालु धर्मप्रेमी पाठक वर्गपिन्त धर्मदान यानाच्चवना । दक्को दान मध्ये धर्मदान तःधं धकाः
 न्यना तयाथें थुगु सफू धर्मदान यानागु कारणं अपोलं अपो पाठकवर्ग पिसं बुद्धया अमूल्यगु
 शिक्षायात श्वीकाः थःथःगु जीवन सफल याय् फय्मा

जहान - धर्म देवी तुलाधर

कायपिः

सुर्जमान तुलाधर
 राजमान तुलाधर
 जुजु राज तुलाधर

भौपि :

दिव्यतारा तुलाधर
 किर्ती बाबा तुलाधर
 चाँदनी तुलाधर

म्हयायपिः

पदम केशरी तुलाधर
 तारा केशरी तुलाधर
 हेरा केशरी तुलाधर
 चन्द्र केशरी तुलाधर
 माया केशरी तुलाधर
 शोभा केशरी तुलाधर

जिलाजपिः

बाबु रत्न सिन्द्राकार
 भवानी ढुङ्गाना
 ज्ञानेन्द्र तुलाधर
 सुमन तुलाधर
 सन्तोष प्रधान

मुद्रक : नील सरस्वती छापाखाना, लाजिम्पाट, फोन नं. ८३३०५८